

Zbirka medijskih objava

Vlada Brčko Distrikta_kliping_dnevno,
za razdoblje 20. 6. 2021

Broj objava: 3

Internet: 3

Teme praćenja:

Vlada Brčko Distrikta: 0

Gradonačelnik: 0

Skupština Brčko: 0

Brčko: 3

Brčko:

Internet	Naslov	Učenik generacije JU Tehničke škole Brčko živi svoj san		
Serijski br. 1	Medij; Doseg	Infobrcko.com; 1.540, Bosna i Hercegovina		
	Rubrika, Datum	Ostalo; 19. 6. 2021		
	Autor	Unknown		
	Teme	Brčko		

Internet	Naslov	U Brčkom obilježen Međunarodni dan borbe protiv seksualnog nasilja u konfliktu		
Serijski br. 2	Medij; Doseg	Infobrcko.com; 1.540, Bosna i Hercegovina		
	Rubrika, Datum	Ostalo; 19. 6. 2021		
	Autor	Unknown		
	Teme	Brčko		

Internet	Naslov	U BiH danas je 28 novozaraženih osoba, preminula su četiri pacijenta		
Serijski br. 3	Medij; Doseg	Klix.ba; 1.540, Bosna i Hercegovina		
	Rubrika, Datum	Ostalo; 19. 6. 2021		
	Autor	D. B. E.		
	Teme	Brčko		

infobrcko.com



Učenik generacije JU Tehničke škole **Brčko** živi svoj san

Potom upisuje srednju tehničku školu u **Brčkom**, zanimanje građevinski tehničar. Tokom srednje škole bio je učesnik mnogih takmičenja među kojima ističe osvojena dva prva mjesta iz njegovog najdražeg predmeta „Građevinske konstrukcije“.

Bio je također 2019.godine učesnik 11.festivala rada u Bužimu koje organizuje udruženje srednjih stručnih i tehničkih škola Federacije Bosne i Hercegovine.

Značajno je istaći da je tokom školovanja u srednjoj školi se mnogo trudio, ulagao u sebe te odricao mnogih stvari da bi na kraju postao učenik generacije na šta je jako ponosan kao i njegova sredina. Armin je pozitivan primjer mnogim njegovim vršnjacima da se većim zalaganjem postiču visoki ciljevi koji ostaju u čovjekom sjećanju i pamćenju tokom života a izgledaju mnogima nedostižni.

Velika mu je želja kao jedan od životnih ciljeva postati inženjer arhitekture stoga svoje obrazovanje želi nastaviti na arhitektonskom fakultetu u Sarajevu.

Inače voli da čita , crta i da se bavi sportom u slobodno vrijeme sve je to u kontinuitetu prenio iz osnovne škole u srednju svojim konstantnim radom postiče dobre rezultate.

Naravno da zato svako treba da slijedi svoje snove unatoč mnogim preprekama koje stoje na tom putu, jer Armin smatra da velika putovanja uvijek počinju malim koracima i konstantnim radom.

Naravno uz uspjeh ide i roditeljska podrška na tom putu njegovog oca Amira i majke Mubere koji su mu bili podrška u dosadašnjem školovanju što će se nastaviti i u daljnjem njegovom obrazovanju. Armin je naša zvijezda koja dobija sjaj i tek treba da zablista ako Bog da u skoroj budućnosti jer Armin ima zdrave i lijepe svoje snove koji su primjer kako do njih doći.

Zato je njegova poruka mladima i vrijednim insanima da se trude i obogate znanjem, jer „znanje je moć koliko znamo toliko i možemo“.

dzematrahic.ba

 infobrcko.com



U **Brčkom** obilježen Međunarodni dan borbe protiv seksualnog nasilja u konfliktu

Predsjednica Udruženja Adila Suljević kaže da se ovim činom nastoji pomoći žrtvama seksualnog nasilja tokom rata i podstaći ih da govore o tome.

„Put za dostizanje pravde nije lak, a žrtvama nasilja je potrebna podrška porodice, ali i društva. Velika je diskriminacija ove populacije“, rekla je Suljević.

Međunarodni dan borbe protiv seksualnog nasilja u konfliktu, uspostavljen je od strane Ujedinjenih nacija i širom svijeta se obilježava 19. juna.

Radio **Brčko**



U BiH danas je 28 novozaraženih osoba, preminula su četiri pacijenta

U Bosni i Hercegovini danas je zabilježeno 28 novozaraženih osoba, a testirana su 1.752 uzorka. U protekla 24 sata preminula su četiri pacijenta.

Poređenja radi, jučer su u BiH zabilježena 23 slučaja zaraze koronavirusom, od 1.822 testirana uzorka. Preminule su četiri, a oporavilo se 740 osoba.

Federacija BiH

U protekla 24 sata, Zavodu za javno zdravstvo Federacije BiH prijavljeno je 1.200 uzoraka, od kojih je 18 pozitivno na SARS-CoV-2.

Novi slučajevi registrirani su u Unsko-sanskom, Zeničko-dobojskom, Hercegovačko-neretvanskom, Zapadnohercegovačkom, Tuzlanskom i Kantonu Sarajevo.

Do sada je testirano ukupno 704.560 uzoraka, a SARS-CoV-2 je potvrđen kod 133.827 osoba.

Zaključno s današnjim danom, u Federaciji BiH izliječeno je 125.216 pacijenata.

U proteklih 24 sata, Zavodu za javno zdravstvo Federacije BiH prijavljen je jedan novi smrtni ishod u Tuzlanskom kantonu.

S današnjim danom, broj smrtnih ishoda na području Federacije BiH je 5.527.

Republika Srpska

U entitetu RS u posljednja 24 sata izvršeno je testiranje 431 laboratorijskog uzorka, a virus korona potvrđen je kod sedam osoba.

Institutu za javno zdravstvo RS prijavljena su tri smrtna slučaja kod kojih je potvrđeno prisustvo virusa korona.

Do sada je u RS-u potvrđeno 64.325 slučajeva virusa korona, a preminulo je ukupno 3.770 osoba kod koje je potvrđen test

na taj virus. Dosad su se oporavile 48.672 osobe, a testirana je ukupno 282.641 osoba.

Ukupan broj hospitalizovanih je 94, a na respiratoru je 15 osoba.

Pod zdravstvenim nadzorom u RS-u su trenutno 903 osobe, a nadzor je završen kod 192.595 osoba.

Brčko Distrikt

U **Brčkom** su od 121 testiranog uzorka detektovana tri nova slučaja. Prijavljeno je oporavak pet pacijenata.